



LAPORAN LIPUTAN MEDIA HARIAN
ISNIN 29 MEI 2023

BIL	TAJUK KERATAN AKHBAR	KEMENTERIAN / JABATAN / AGENSI
1. 2. 3. 4. 5. 6.	HARUMANIS TAK CUKUP UNTUK EKSPORT, DALAM NEGERI, UM -35 TEROKA TANAMAN PADI DALAM AIR MASIN - MOHAMAD, NASIONAL, SH -10 SEGERA TINGKAT PENGELUARAN PADI DI KEDAH, DALAM NEGERI, UM -34 KEDAH PERLU SAINGI HASIL TANAMAN PADI SELANGOR, NEGARA, KOSMO -16 PERLADANGAN UNGGAS SEBAGAI SUMBER MAKANAN, PERAK, HAKAKAH -10 MANIS SI HARUMANIS, LOKAL, HM -23	KEMENTERIAN PERTANIAN DAN KETERJAMINAN MAKANAN (KPKM)
7.	DURIAN PREMIUM KAMPUNG DAMAK SAINGAN MUSANG KING, NEGARA, KOSMO -14	JABATAN PERTANIAN MALAYSIA (DOA)
8. 9. 10. 11. 12.	REMAJA 13 TAHUN MAHIR TERNAK LEMBU SADO CHAROLAISE, DALAM NEGERI, UM -35 TIGA LEMBU KORBAN SEBERAT 1,800 KILOGRAM UNTUK DIJUAL, NASIONAL, SH -11 PASUKAN SUKARELA TANGKAP HAIWAN BINATANG BERKELIARAN, NEGARA, KOSMO -18 50% LADANG AYAM KONTRAK BAKAL MUFLIS, DALAM NEGERI, UM -1 & 2 KAISAR FARM SASAR PERLUAS PASARAN DAGING, BAKA LEMBU, DALAM NEGERI, UM -28	JABATAN PERKHIDMATAN VETERINAR (DVS)
13. 14. 15.	FISHERIES SUBSIDIES AGREEMENT WORKSHOP, NEWS, THE SUN -2 DARI HOBI IKAN BETA KE TERNAKAN KELI, BISNES, SH -29 CUACA TIDAK MENENTU JEJAS BENIH PATIN, NEGARA, KOSMO -14	JABATAN PERIKANAN MALAYSIA (DOF)
16. 17.	PEMILIK KAPAL KAYA 'KENYANG' GUNA DIESEL SUBSIDI, PARLIMEN, HAKAKAH -H8 7 BOT, PREMIS KUMPUL HASIL LAUT TERBAKAR, NASIONAL, BH -18	LEMBAGA KEMAJUAN IKAN MALAYSIA (LKIM)
18.	PULAU MERANTI: WARGA BANGLADESH DULU BURUH, SEKARANG TAUKE, DALAM NEGERI, UM -14	LAIN-LAIN

UKK KPKM

UNIT KOMUNIKASI KORPORAT
KEMENTERIAN PERTANIAN DAN KETERJAMINAN MAKANAN
(UNTUK EDARAN DALAMAN KPKM, JABATAN DAN AGENSI SAHAJA)

Harumanis tak cukup untuk eksport

Oleh MOHD. RAFIE AZIMI
utusannews@mediamulla.com.my

KUBANG PASU: Bekalan harumanis yang menjadi kebanggaan penduduk di utara tanah air masih belum mencukupi untuk memenuhi permintaan di seluruh negara walaupun jumlahnya kian meningkat pada tahun ini berbanding tahun-tahun sebelumnya.

Justeru, menurut Ketua Pengarah Pertanian, Datuk Zahimi Hassan, pemasaran produk itu pada ketika ini masih tertumpu dalam negara meskipun Harumanis memiliki potensi untuk dieksport ke luar negara termasuk Eropah.

Bagaimanapun, katanya, usaha untuk mengeksport Harumanis ke luar negara tidak mustahil akan dilaksanakan pada masa akan datang selain persiapan untuk mengeksport buah tersebut ke luar negara sudah dilakukan sejak beberapa tahun dulu. "Usaha itu bermula sejak



MOHAMAD Sabu bersama Zahimi Hassan (tiga dari kanan) melihat Harumanis yang baru dipetik di Kampung Pida 3, Jerlun, Kubang Pasu, semalam.

2014, namun, sehingga kini bekalan masih tak cukup untuk dihantar ke luar negara. Walaupun penghasilan tahun ini meningkat, jumlahnya masih be-

lum mencukupi.

"Kita berdepan beberapa keangan dalam meningkatkan penghasilannya kerana Harumanis hanya sesuai ditanam di

utara tanah air seperti Kedah, Perlis dan Thailand. Keadaan itu disebabkan musim panas yang 'nyata' iaitu cuaca sesuai untuk penanaman Harumanis hanya

berlaku di kawasan tersebut dalam negara ini.

"Disebabkan itu, buat masa ini, kami hanya tumpukan kepada pemasaran dalam negara. Lagi pun tawaran harga dalam negara masih 'menarik' dan memberi pendapatan baik kepada para pengusahanya," katanya.

Beliau berkata demikian dalam sidang akhbar selepas mengiringi Menteri Pertanian dan Keterjaminan Makanan, Datuk Seri Mohamad Sabu hadir ke Majlis Libat Urus Menteri Bersama Usahawan Harumanis di Pusat Pengumpulan Ladang, Kampung Pida 3 dekat Kodiang di sini, semalam.

Sebelum ini, terdapat laporan menyatakan pengeluaran mangga Harumanis di Perlis dijangka meningkat hingga mencecah 2,140 metrik tan dengan nilai jualan berjumlah 53.5 juta.

Selain itu, musim buah itu dijangka lebih panjang pada tahun ini iaitu bermula penghujung April hingga Julai ini.


Remaja 13 tahun mahir ternak lembu sado Charolaise

ALOR SETAR: Seorang remaja lelaki berusia 13 tahun dari Kubang Rotan, Kuala Kedah di sini bukan sahaja meminati bidang ternakan sejak kecil, malah, mahir menternak lembu sado daripada baka Charolaise.

Muhammad Zaim Mirza Muhammad Zaidi atau lebih dikenali sebagai Zaim yang mewarisi bakat itu daripada arwah datuknya, Hamid Man kini menternak empat ekor lembu sado daripada baka yang dianggap terbaik itu di kandang keluarga mereka dekat Ayer Hitam, Jerlun.

"Saya mengikut arwah tokwan menternak lembu sado ini sejak umur sembilan tahun. Setelah tokwan meninggal dunia pada Februari tahun lepas, saya ambil alih semua kerja menternak.

"Alhamdulillah, dengan semua ilmu yang saya belajar sejak kecil daripada arwah, saya dapat jaga kesemua lembu sado saya dengan baik termasuk lembu terakhir peninggalan arwah yang diternaknya sebelum meninggal dunia yang berusia 10 bulan," katanya ketika ditemui pada Himpunan Lembu Sado Utara 2.0 di Taman Jubli Emas, di sini semalam.



MUHAMMAD Zaim Mirza Muhammad Zaidi bersama lembu sado yang dipanggil Johan pada Himpunan Lembu Sado Utara 2.0 di Taman Jubli Emas, Suka Menanti di Alor Setar. - UTUSAN/JAMLIAH ABDULLAH

Zaim merupakan satu-satunya peserta cilik dalam pertandingan yang disertai lebih 150 penternak lembu sado dari Perlis, Perak, Pulau Pinang dan negeri ini.

Ber cerita lanjut, empat lembu sado yang diternaknya itu berusia antara empat tahun hingga 10 bulan terdiri daripada baka Charolaise yang mampu mencecah berat sehingga 1,000 kilogram (kg).

"Empat lembu sado ini saya bagi nama, Joe, lembu betina yang beratnya sudah cecah 1,000 kg, anaknya, Johan, yang sama bawa ke pertandingan ini berusia 10 bulan, Lanini, setahun setengah dan Teh, dua tahun.

"Paling saya sayang, Johan kerana ini peninggalan terakhir arwah tokwan. Ada orang tawar RM10,000 untuk beli Johan tetapi saya tak bersedia nak lepas Johan lagi," katanya.

TARIKH	MEDIA	RUANGAN	MUKA SURAT
29/5/2023	UTUSAN MALAYSIA	DALAM NEGERI	36

KUALITI dedak yang dikatakan semakin berkurangan didakwa jadi punca ikan patin lambat membesar sekali gus menyebabkan pengurangan produktiviti ikan patin sangkar di Temerloh, Pahang.



Kualiti dedak jadi punca ikan patin lambat membesar?

TEMERLOH: Dedak berkualiti rendah didakwa menjadi antara punca ikan patin lambat membesar sehingga mengambil masa tujuh ke lapan bulan berbanding kebiasaan selama enam bulan.

Bercakap kepada *Utusan Malaysia*, seorang pengusaha ikan sangkar Sungai Pahang di sini, Syafiq Haiqal Usaizan, 26, berkata, kemungkinan terdapat kandungan protein dikurangkan walaupun pada guni setiap 20 kilogram makanan itu, ia dinyatakan masih sama.

“Ini kerana sebelum ini pun kami beli makanan yang sama dan ikan besar dalam tempoh enam bulan serta sudah sesuai

dipasarkan.

“Agak pelik juga bila ikan sangkar kini memakan masa lebih lama dari kebiasaannya untuk membesar. Minta pihak berwajib kaji perkara ini,” katanya yang sudah tujuh tahun menceburi bidang penternakan ikan sangkar terbabit di sini semalam.

Baru-baru ini, *Utusan Malaysia* melaporkan bahawa lebih 11 juta ikan patin dianggarkan mati di Temerloh sejak 2020 sehingga kini sekali gus menyebabkan bekalan sumber protein itu semakin kritikal ketika ini.

Difahamkan, daripada 3,000 ekor benih ikan dilepaskan dalam sebuah sangkar, peratu-

san hidup hanya kira-kira 200 hingga 300 ekor sahaja.

Dianggarkan di daerah ini terdapat kira-kira 1,500 sangkar ikan membabitkan 150 pengusaha.

Mengulas lanjut, Syafiq Haiqal berkata, penggunaan dedak ikan turut meningkat daripada 60 kepada 70 hingga 80 beg untuk satu pusingan pengeluaran yang memakan masa tujuh ke lapan bulan itu.

“Sudahlah harga makanan ikan semakin mahal dan meningkat secara mendadak ketika krisis bekalan kacang soya sebelum ini, ikan pula memakan masa lebih lama untuk membesar,” katanya.

TARIKH	MEDIA	RUANGAN	MUKA SURAT
29/5/2023	SINAR HARIAN	NASIONAL	10

Teroka tanaman padi dalam air masin - Mohamad

JITRA - Kementerian Pertanian dan Keterjaminan Makanan berhasrat untuk meneroka penanaman padi dalam air masin dan kaedah tersebut boleh dimanfaatkan bagi tujuan penanaman di kawasan tepi laut di negara ini.

Menterinya, Datuk Seri Mohamad Sabu berkata, perkara berkenaan masih lagi di peringkat perbincangan awal dengan pakar berkaitan dari China.

Menurutnya, kajian penanaman padi dalam air masin telah dilakukan sejak empat tahun lalu di negara tersebut dan pihaknya akan mendapatkan pandangan dari pakar berkenaan dan membawa kaedah tersebut untuk diaplikasikan di Malaysia.

“Saya dah bertemu dengan para profesor di China iaitu tanam padi dalam air masin, ini di peringkat awal. Sekarang ini sedang di peringkat perbincangan supaya kawasan di tepi laut yang air masin itu tidak dibiarkan (begitu saja) agar boleh digunakan akan datang dengan teknologi dan pandangan-pandangan yang akan kita minta.

“Pandangan pakar daripada luar (negara) bagaimana mereka berjaya bukan mereka berjaya dalam sehari tetapi mereka buat kajian empat tahun,” katanya pada sidang akhbar pada Ahad.

Beliau berkata demikian selepas sesi libat urus bersama Usahawan Harumanis Kodiang di Pusat Pengumpulan Ladang, Kampung Pida 3 di Kodiang dekat sini.

Jelasnya, kajian yang dihasilkan oleh pakar di China selama beberapa tahun itu berjaya menghasilkan benih padi yang sesuai bagi tanaman padi air masin.

TARIKH	MEDIA	RUANGAN	MUKA SURAT
29/5/2023	UTUSAN MALAYSIA	DALAM NEGERI	34

Segera tingkat pengeluaran padi di Kedah

Oleh **MOHD. RAFIE AZIMI**
 utusannews@mediamulia.com.my

KUBANG PASU: Aspek pengairan dan penjagaan dikenal pasti sebagai dua faktor utama yang membezakan jumlah pengeluaran padi di Kedah yang amat berkurangan jika dibandingkan dengan Selangor sejak beberapa musim lalu.

Menteri Pertanian dan Keterjaminan Makanan, Datuk Seri Mohamad Sabu berkata, kadar tuaian padi di Kedah ketika ini hanyalah sekitar empat atau lima tan sehektar ketika hasil tuaian di Sekinchan, Selangor pula mampu mencecah antara lapan hingga 10 tan sehektar.

Menurutnya, perkara itu sering dibincangkan pihak kementerian dengan pelbagai usaha kini dijalankan bagi memastikan penghasilan padi di Kedah dapat lebih meningkat agar mampu menyaingi Selangor, selepas ini.

“Dalam hal ini, sistem pengairan perlu lengkap dan betul, tetapi apa yang paling penting adalah penjagaan. Untuk mengusahakan bendang, perkara itu tidak boleh dijalankan secara sambilan sebaliknya memerlukan tumpuan 100 peratus.

“Saya lihat di Sekinchan, mereka betul-betul buat bendang. Apabila matahari cerah saja, mereka sudah masuk ke sawah setiap hari, kecuali pada waktu cuti yang sudah diatur.

“Dalam masa sama, aspek pengairan dan pembajaan juga

perlu betul. Di Kedah ini, kita mahu tuju ke arah itu dan isu perbezaan hasil ini sememangnya disedari kementerian serta sering dibincangkan,” katanya.

Beliau berkata demikian dalam sidang akhbar pada Majlis Libat Urus Menteri Bersama Usahawan Harumanis di Pusat Pengumpulan Ladang, Kampung Pida 3 dekat Kodiang di sini, semalam.

Mohamad menambah, jika penghasilan padi di seluruh negara dapat ditingkatkan kepada enam tan sehektar, maka, negara tidak perlu lagi mengimport beras untuk kegunaan rakyat, kecuali beras berharga mahal seperti basmathi.

“Antara usaha untuk memastikan penjagaan padi yang lebih baik adalah penanaman padi berskala besar. Sewaktu orang muda banyak berhijrah ke bandar seperti Pulau Pinang serta Kuala Lumpur, maka, kita berusaha cantumkan tapak sawah itu untuk dijadikan skala besar serta menjaganya dengan lebih baik, bergantung kepada persetujuan petani.

“Di Perlis pun sebelum ini, ramai petani sudah terlibat dengan skim skala besar dan penanaman padi ala Sekinchan bagi meningkatkan hasil tuaian mereka. Padi mereka ditanam menggunakan mesin dengan pelbagai aspek termasuk rumput dijaga rapi dan dalam masa sama, kita sedang bergerak untuk menggunakan baja organik sedikit demi sedikit,” katanya.

Kedah perlu saingi hasil tanaman padi Selangor



MOHAMAD (dua dari kiri) ketika sidang akhbar pada Sesi Libat Urus Menteri Bersama Usahawan Harumanis di Kodiang, Jerlun semalam.

JERLUN – Aspek pengairan dan penjagaan dikenal pasti sebagai dua faktor utama yang membezakan jumlah hasil padi di Kedah, yang amat berkurangan jika dibandingkan dengan Selangor sejak beberapa musim lalu.

Menteri Pertanian dan Keterjaminan Makanan, Datuk Seri Mohamad Sabu berkata, kadar tuai padi di Kedah ketika ini hanyalah sekitar empat atau lima tan sehektar ketika hasil tuai tanaman itu di Sekinchan, Selangor pula mampu mencecah antara lapan hingga 10 tan sehektar.

Menurutnya, perkara itu sedang dibincangkan Kementerian dengan pelbagai usaha kini di-

jalankan bagi memastikan penghasilan padi di Kedah dapat lebih meningkat agar mampu menyaingi Selangor.

"Dalam hal ini, sistem pengairan perlu lengkap dan betul tetapi apa yang paling penting adalah penjagaan. Untuk mengusahakan bendang, perkara itu tidak boleh dijalankan secara sambilan sebaliknya memerlukan tumpuan 100 peratus.

"Saya lihat di Sekinchan, mereka betul-betul buat bendang. Apabila matahari cerah saja, mereka sudah masuk ke sawah setiap hari, kecuali pada waktu cuti yang sudah diatur.

"Dalam masa sama aspek pengairan dan pembajaan juga

perlu betul. Di Kedah ini, kita mahu tuju ke arah itu dan isu perbezaan hasil ini memang disedari Kementerian serta sering dibincangkan," katanya.

Beliau berkata demikian dalam sidang akhbar sempena Majlis Libat Urus Menteri Bersama Usahawan Harumanis di Pusat Pengumpulan Ladang, Kampung Pida 3 dekat Kodiang, di sini semalam.

Mohamad menambah, jika penghasilan padi di seluruh negara dapat ditingkatkan kepada enam tan sehektar, maka negara tidak perlu lagi mengimport beras untuk kegunaan rakyat, kecuali beras berharga mahal seperti basmati.

Perladangan unggas sebagai sumber makanan

IPOH: Kerajaan di bawah Kementerian Pertanian dan Keterjaminan Makanan perlu memikirkan cara untuk membantu penternak unggas supaya dapat mematuhi standard amalan perladangan unggas.

ADUN Bota, Dr Najihatussalehah Ahmad, berkata perladangan unggas sangat penting dan perlu disokong bagi memastikan kelangsungan sumber makanan.

"Pada masa yang sama, kita juga perlu memastikan perladangan ini mengikut peraturan.

"Negara kita pernah mengalami kekurangan 150 juta biji telur ayam yang dipasarkan seperti yang dilaporkan di bawah Kementerian Pertanian dan Keterjaminan

Makanan pada bulan November yang lalu.

"Antara faktor ketidakcukupan telur tersebut adalah berlaku kenaikan mendadak kos makanan ayam yang diimport dan kawalan harga yang terlalu tinggi," katanya.

Beliau setuju dengan pindaan fasal 4 yang bertujuan memasukkan bahagian baru 2A ke dalam enakmen ini yang memperuntukkan perkhidmatan berhubung pematuhan standard amalan perlindungan unggas, kriteria reban tertutup yang jauh lebih baik apabila ia bukan setakat mengawal suhu, penampakan sifar dan zon penampakan adalah penting untuk mengatasi kaucau gangu lalat dan pencemaran bau.

Menurut beliau, peningkatkan standard perladangan sangat penting bagi memastikan masalah lalat dan makhluk perosak yang lain tidak mengganggu masyarakat setempat.

Justeru katanya, perlu dipertingkatkan dan diperluaskan penggunaan konsep reban tertutup.

Ini berikutan kata beliau, lalat adalah ejen bawaan penyakit dan antara penyakit utama bawaan lalat adalah demam kepialu atau typhoid yang akan mengakibatkan cirit berit hasil persembuhan dengan tinja atau makanan yang tercemar.

Katanya, penyakit kedua yang sering berlaku dan dilaporkan di bawah Kementerian Kesihatan adalah penyakit kolera

(taun), dysentery yakni radang usus akibat yang akan menyebabkan cirit berdarah.

Menurut beliau, usaha mumi pihak penternak untuk meningkatkan bekalan negara melalui ternakan ayam telah menjadi masalah pula kepada rakyat apabila standard penternakan ayam tidak dipatuhi.

Beliau berkata, suatu ketika dulu, ADUN Tebing Tinggi yang menjadi Exco Pendidikan Teknologi Sains dan Alam Sekitar ada menyatakan bahawa terdapat 700 reban ayam di daerah Manjung yang diusahakan secara kecil-kecilan tidak dapat diamal tindakan oleh pihak veterinar kerana ada penyesuaian yang tiada lesen dan menternak kurang

daripada 500 ekor ayam.

Sedangkan, katanya, penternak dengan bilangan kurang daripada 500 ekor boleh menyumbang gangguan lalat kepada masyarakat di sekelilingnya.

"Ini bermakna secara tidak langsung, pementauan kepada penternak kecil-kecilan juga perlu diambil perhatian.

"Lanjutan daripada penguatkuasaan enakmen ini, diharapkan kerajaan negeri Perak bersifat lebih prihatin melalui pelan Pembangunan Perak Sejahtera 2030," tegasnya.

Sehubungan itu, beliau berharap Kerajaan dapat membanjutkan pengusahaan ladang dan memberikan bantuan modal kepada pen-

ternak-penternak kecil yang berada di kawasan luar bandar.

Beliau turut mengingatkan supaya kerajaan tidak hanya fokus pada proses pengurusan loji tetapi proses penyembelihan juga sepatutnya dipantau supaya bertepatan dengan aspek syarak dan prosedur persijilan halal oleh JAKIM.

"Perkara ini bukan sekadar untuk mematuhi Enakmen Perladangan Unggas tetapi juga mematuhi standard penyembelihan yang dikeluarkan oleh JAKIM.

"Ini lebih meyakinkan kita sebagai rakyat Perak untuk membeli ayam-ayam yang dihasilkan daripada ladang-ladang di dalam negeri kita sendiri," katanya.

TARIKH	MEDIA	RUANGAN	MUKA SURAT
29/5/2023	HARIAN METRO	LOKAL	28

Manis si Harumanis



PEMILIK Pusat Pengumpulan Ladang Harumanis, Mohd Firdaus Jamaluddin menunjukkan Harumanis D'Aman pada sesi ilbat urut bersama Usahawan Harumanis yang dihadiri Menteri Pertanian dan Keterjaminan Makanan, Datuk Seri Mohamad Sabu di Pusat Pengumpulan Ladang Harumanis Kapung Pida 3 di Koding, Mohamad Sabu berkata kementerianya berhasrat untuk meneroka kaedah penanaman padi air masin dalam usaha meningkatkan pengeluaran beras negara pada masa hadapan. Beliau berkata untuk itu pihaknya telah membuat perbincangan dengan pakar berkaitan termasuk profesor di China mengenai teknologi bersesuaian yang boleh diguna pakai bagi tanaman padi itu di negara ini.

Tiga lembu korban seberat 1,800 kilogram untuk dijual

KUBANG PASU - Tiga ekor lembu masing-masing seberat 600 kilogram (kg) antara yang ditawarkan untuk jualan bagi ibadah korban pada tahun ini.

Pengarah Urusan Fatimah MZ Agro Farm Sdn Bhd, Zainol Abidin Mohamad berkata, lembu pada saiz terbabit berada dalam keadaan sihat dan dijual pada harga RM10,000 seekor.

"Ada sesetengah pelanggan gemar lembu yang bersaiz besar untuk menunaikan ibadah korban sebab itu kita beri pilihan pelbagai jenis saiz untuk mereka," katanya ketika ditemui di ladang ternakannya di Jalan Sintok di sini pada Ahad.

Menurutnya, pihak ladang turut menyediakan lembu seberat 230kg hingga 300kg dengan harga antara RM5,400 hingga RM6,000.

"Pelanggan juga boleh menempah secara tompok dengan harga RM750 hingga RM850 sebahagian.

"Alhamdulillah, pelanggan tetap kami telah mula menempah sejak awal Mei lagi dan setakat sekarang 60 ekor

sudah ditempah," katanya.

Ujar bapa kepada empat cahaya mata ini, syarikatnya menasaskan lebih 200 ekor lembu akan terjual bagi memenuhi permintaan ibadah korban tahun ini.

"Sasaran ini berdasarkan trend permintaan pelanggan yang mahu lembu tempatan kerana diyakini sihat dan terjamin status halalanya.

"Malah, kami juga sangat menitikberatkan sumber makanan haiwan ternakan agar mereka hanya mendapat makanan yang bersih dan halal selain mendapat vaksinasi yang lengkap," katanya.

Zainol Abidin yang juga seorang pesara guru berkata, mereka juga menyediakan perkhidmatan menyembelih dan melapah yang dikendalikan oleh petugas bertauliah dan berpengalaman.

"Selain itu kami turut menyediakan perkhidmatan agihan daging korban kepada asnaf untuk memudahkan urusan pelanggan yang mungkin ada kekangan tertentu," katanya.



Zainol Abidin (dua dari kiri) bersama anaknya Mohamad Alias memberi makan salah seekor lembu ternakan di ladang mereka di Kubang Pasu.

TARIKH	MEDIA	RUANGAN	MUKA SURAT
29/5/2023	KOSMO	NEGARA	18



PASUKAN sukarelawan menangkap seekor lembu yang berkeliaran di Kampung Salong, Chini kelmarin.

Pasukan sukarela tangkap haiwan binatang berkeliaran

PEKAN – Satu pasukan sukarelawan khas ditubuhkan bagi menangani masalah haiwan ternakan berkeliaran di kawasan larangan termasuk bahu jalan, kawasan kampung dan premis awak serta kerajaan.

Pengerusi Jawatankuasa Kebajikan dan Keselamatan Dewan Undangan Negeri (DUN) Chini, Mohd. Saiful Nizam Mohd. Daud berkata, penubuhan itu hasil cadangan ADUN kawasan itu, Mohd. Shahrim Md Zain dengan bantuan Jabatan Perkhidmatan Veterinar (JPV) Pahang.

“Pasukan sukarelawan ini akan membantu agensi terlibat selain JPV, pihak berkuasa tempatan dan polis bagi menangkap dan mengawal haiwan

ternakan yang berkeliaran di kawasan larangan,” katanya.

Menurutnya, ternakan yang ditangkap akan diserahkan kepada JPV untuk tindakan.

Sementara itu, katanya, operasi pertama pasukan berkenaan bersama JPV, polis dan Jawatankuasa Pentadbiran DUN Chini telah dimulakan kelmarin.

“Operasi pertama itu turut disertai ADUN Chini bermula pukul 12 hingga 5 pagi di lokasi terpilih iaitu di Kampung Salong, Felda Chini dan Kampung Dusun.

“Dalam operasi itu beberapa ekor lembu yang berkeliaran telah ditangkap dan diserahkan kepada pihak JPV untuk tindakan lanjut,”ujarnya.

TARIKH	MEDIA	RUANGAN	MUKA SURAT
29/5/2023	UTUSAN MALAYSIA	MUKA DEPAN	1

APUNG HARGA AYAM

50% ladang ayam kontrak bakal muflis

Oleh FAHMI FAIZ
utusannews@mediamula.com.my

PETALING JAYA: Sekurang-kurangnya 50 peratus daripada keseluruhan 2,100 ladang ayam kontrak seluruh negara di ambang muflis susulan kelemahan polisi kerajaan mengawal sektor penting makanan negara itu.

Ini merangkumi kira-kira 1,000 ladang ternakan ayam kontrak yang hampir semuanya diusahakan penternak bumiputera yang terlibat membekalkan kira-kira 30 peratus daripada keseluruhan 2.2 juta ekor ayam setiap hari bagi memenuhi keperluan dalam negara, iaitu sebanyak 660,000 ekor ternakan itu.

Sumber industri ternakan ayam wilayah tengah Semenanjung memberitahu *Utusan Malaysia*, ancaman muflis dalam kalangan penternak ayam kontrak berpunca akibat lima faktor.

Faktor-faktor itu adalah cadangan mengapungkan harga ayam dan telur bermula Julai, langkah Bank Negara (BNM) menaikkan Kadar Dasar Semalaman (OPR), tiada lembaga undang, cadangan menaikkan tarif elektrik kepada syarikat multinasional serta pengenalan upah gaji minimum RM1,500.

Sumber berkata, langkah mengapungkan harga ayam dan telur, jika benar-benar berlaku, akan semakin 'membunuh' penternak kontrak malah pengguna kerana ia tidak akan menurunkan harga dedak dan anak ayam yang merangkumi hampir 80 peratus daripada keseluruhan kos operasi di ladang ayam.

Bersambung di muka 3

29/5/2023

UTUSAN

DALAM

3

MALAYSIA

NEGERI

50% ladang ayam kontrak bakal muflis

Dari muka 1

Sebaliknya, jika pengapungan harga ayam dan telur dibuat, sumbu berkata itu akan semakin menguntungkan kartel induk ayam (GPS), kartel anak ayam serta kartel dedak yang mengimport bahan mentah bagi menghasilkan dedak seperti jagung bijirin dan soya.

“Sekarang ini, penternak ayam kontrak sedang bergelut dengan kenaikan kos operasi. Harga anak ayam RM3.60 seekor, harga dedak mencecah RM140 satu beg 50 kilogram. Kos buruh meningkat, sebab pengenalan upah minimum RM1,500 sampaikan pekerja asing sudah pandai minta gaji minimum RM1,500.

“Kemudian, apabila kerajaan mahu menaikkan tarif elektrik syarikat besar, sudah tentu kartel ayam serta penternak bersepadu

atau integrator akan mengenakan kos tambahan kepada penternak kontrak. Bukan mereka yang tangung kenaikan kos itu, tapi mereka timpakan kenaikan kepada penternak kontrak macam kami yang menerima anak ayam serta dedak daripada kartel,” kata sumber.

Untuk rekod, Februari lalu, Menteri Pertanian dan Keterjaminan Makanan, Datuk Seri Mohamad Sabu berkata, harga ayam dan telur dijangka diapungkan selepas Jun ini dalam usaha kerajaan memastikan masalah kekurangan bekalan makanan itu dapat diatasi.

Mohamad berkata, harga ayam dan telur diapungkan supaya Kementerian Perdagangan Dalam Negeri dan Kos Sara Hidup (KPDN) dapat menilai serta mengawal harga barangan itu sama ada naik atau turun berbanding harga siling runcit semasa.

OPR NAIK, PENTERNAK ‘TERBUNUH’

Dalam pada itu, sumber turut mendesak kerajaan mengkaji semula langkah mengejut BNM menaikkan OPR baru-baru kerana ‘membunuh’ ladang-ladang kontrak yang membuat pinjaman bank untuk mendirikan ladang ayam serta ladang telur.

“Untuk set up broiler dua tingkat dengan kapasiti 50,000 ekor ayam satu pusingan, modalnya kira-kira RM5 juta. Sudah ramai yang mengambil pinjaman itu sekarang ini sedang bergelut akibat kenaikan OPR mengakibatkan peningkatan bayaran bulanan kepada bank.

“Sudahlah sekarang bekalan anak ayam sangat kurang. Tahun lepas, kita boleh mengeluarkan ayam enam kali pusingan setahun. Sekarang ini, empat ke

lima pusingan pengeluaran saja, itupun susah mahu jumpa ladang kontak yang boleh mencecah lima pusingan pengeluaran setahun sebab anak ayam kurang sangat,” katanya.

Sementara itu, satu sumber penternak ayam wilayah selatan yang dihubungi mendedahkan bahawa desakan demi desakan agar kerajaan mengapungkan harga ayam dan telur sebenarnya bukan datang daripada kalangan penternak sebaliknya merupakan tuntutan pihak kartel.

Kata sumber, hal ini kerana kartel terlalu berkuasa mengawal industri sehingga kerajaan didakwa takut dan tunduk kepada kata dua diberikan kartel, iaitu sama ada mengapungkan harga ayam dan telur atau meruskan pemberian subsidi sektor itu.

TARIKH	MEDIA	RUANGAN	MUKA SURAT
29/5/2023	UTUSAN MALAYSIA	DALAM NEGERI	28

KAISAR FARM SASAR PERLUAS PASARAN DAGING, BAKA LEMBU

Oleh ASYRAF MUHAMMAD
 ekoromutusan@meclanmua.com.my

PENTERNAKAN lembu secara fidlot sememangnya berpotensi dan menjanjikan pulangan lumayan bagi memenuhi permintaan bekalan daging di negara ini khususnya menjelang musim perayaan.

Di atas kesempatan itu, Kaisar Farm (M) Sdn. Bhd. cuba merebut peluang bagi mengembangkan lagi perusahaan ternakan lembu syarikat itu di Kampung Mengkuang, Kubang Tiga, Chuping, Perlis, susulan daripada permintaan membarangsangkan dalam kalangan masyarakat tempatan.

Walaupun baru sahaja beroperasi sejak lapan bulan lalu, syarikat berkenaan telah membawa masuk sebanyak 2,500 ekor lembu ternakan dari Thailand yang diusahakan secara fidlot di atas tanah berkeluasan 10 ekar (4.05 hektar).

Di samping itu, syarikat berkenaan juga telah berdaftar bersama Jabatan Perkhidmatan Veterinar (DVS) sebagai syarikat Pengimport Haiwan Ternakan terutamanya memabatkan lembu pedaging dari Thailand.

Pegarah Urusan Kumpulan Kaisar Farm (M) Sdn. Bhd., Datuk Seri Norazam Shah Ibrahim berkata, pihaknya berhasrat bagi menjalankan penternakan lembu secara moden melalui sistem



NORAZAM SHAH IBRAHIM

yang komprehensif dan mengikut prosedur operasi standard (SOP) bersesuaian meliputi pemberian bahan makanan berkualiti untuk hasil lebih baik.

"Matlamat kami sebenarnya adalah untuk menampung pasaran Malaysia dengan membekalkan lembu pedaging daripada pelbagai jenis baka.

"Malah, kami sebelum ini turut menubuhkan Kaisar Agro Farm Thai Company Limited yang dibangunkan di Prachuap dan Narathiwat, Thailand bagi memudahkan urusan jual beli lembu pedaging masuk ke negara ini," katanya kepada *Utusan Malaysia*, baru-baru ini.

Mengulas mengenai cetusan idea bagi penubuhan syarikat itu, Norazam berkata, beliau



LEMBU ternakan diusahakan Norazam Shah Ibrahim turut diberi dedak dan makanan mencukupi bagi memastikan pembesaran yang sempurna sebelum dipasarkan kepada orang ramai.

dan adiknya, Nor Azlan Ibrahim, 40, mula meneroka bidang berkenaan secara serius berikutan mempunyai minat yang mendalam bagi ternakan lembu khususnya secara fidlot.

Kata Norazam, pihaknya juga telah melabur sebanyak RM13 juta bagi membangunkan ladang ternakan lembu itu yang terdiri daripada beberapa jenis baka antaranya baka KK (Kedah Kelantan) dan Brahman.

"Kawasan ladang ini secara keseluruhan adalah seluas 25

"MATLAMAT KAMI SEBENARNYA ADALAH UNTUK MENAMPUNG PASARAN MALAYSIA DENGAN MEMBEKALKAN LEMBU PEDAGING DARIPADA PELBAGAI JENIS BAKA."

pemakanan lengkap dan lokasi ternakan yang bersesuaian.

"Kami juga biasanya akan memasarkan lembu yang mencapai berat lebih 200 kilogram kepada orang ramai dan disebabkan itu, kita amat menitik beratkan mengenai aspek penjagannya," katanya.

Buat masa ini, Norazam berkata, pihaknya menggunakan rumah sembelihan di Jelebu, Negeri Sembilan dan memasarkan daging lembu berkenaan sekitar Lembah Klang termasuk Pulau Pinang, Kedah dan Perlis.

Katanya, pihaknya juga membangunkan beberapa infrastruktur termasuk mendirikan gudang makanan lembu sendiri dalam usaha bagi meminimalkan kos operasi ternakan.

"Kebiasaannya kos bagi 200 ekor lembu untuk tempoh 180 hari adalah mencecah sehingga RM4.4 juta namun apabila kami ambil inisiatif bagi hasilkan makanan sendiri, penjimatan itu adalah amat besar iaitu penguurangan sebanyak RM4 juta," katanya.

Sebelum terlibat dalam penternakan, Norazam bergiat aktif dalam beberapa perniagaan lain antaranya memabatkan sektor keselamatan dan pertahanan, penyimpanan senjata, minyak dan gas, penyiaran dan telekomunikasi serta pelbagai lagi.



PEKERJA ladang ternakan Kaisar Farm di Kampung Mengkuang, Kubang Tiga, Chuping, Padang Besar, Perlis, memastikan lembu-lembu mendapat makanan mencukupi pada setiap hari. - UTUSAN/ASYRAF MUHAMMAD

TARIKH	MEDIA	RUANGAN	MUKA SURAT
29/5/2023	THE SUN	NEWS	2

Fisheries subsidies agreement workshop

KUALA LUMPUR: The World Trade Organisation (WTO) organised a regional workshop from May 23 to 25 here on "Fisheries Subsidies for the Asia Region", to enhance understanding of the fisheries subsidies agreement.

In a joint statement by the Investment, Trade, and Industry Ministry and the Agriculture and Food Security Ministry issued yesterday, the objective of the workshop was to provide deeper understanding of the WTO Agreement on Fisheries Subsidies adopted during the 12th Ministerial Conference held from June 12 to 17, 2022, in Geneva, Switzerland.

"The agreement sets out disciplines to prohibit harmful fisheries subsidies that contribute to illegal, unreported, and unregulated fishing, and in respect of overfished stocks.

"To safeguard the livelihood of small-scale and artisanal fishers, the agreement also provides certain exemptions to fishers in developing and least-developed WTO member countries." - Bernama

Dari hobi ikan beta ke ternakan keli

Anak muda beranikan diri terokai bidang baru bagi majukan ekonomi keluarga

Oleh ADILA
SHARINI WAHID
KOTA BHARU

Selepas dua tahun mendapat keuntungan hasil hobi memelihara ikan beta, seorang anak muda memberanikan diri me-

neroka bidang ternakan ikan keli bagi meningkatkan ekonomi keluarga di Kampung Lubok Jambu, Kedai Mulong di sini.

Muhammad Firdaus Che Mohd Adnan, 27, memulakan langkah menceburi bidang ternakan ikan itu dengan modal RM5,000 bagi membina sendiri sangkar ikan dan sistem pemalpaan dengan menggunakan tiga tangki air di mana setiap satu berkapasiti 500 gelen

dan satu kanvas seluas 12 meter persegi.

"Pada awal Januari lalu, saya bermula dengan membeli 1,000 ekor anak ikan keli yang berharga 7 sen setiapnya sebesar tiga inci.

"Selepas empat bulan memelihara dan memberi makan palet, ikan ini mulai matang dan dijual kepada peniaga kedai makan serta secara runcit berharga RM7 sekilogram," katanya ketika ditemui *Sinar Harian* baru-baru ini.

Muhammad Firdaus dapat melihat potensi besar ternakan ikan keli apabila permintaan terhadap bekalan air tawar itu semakin meningkat dari hari ke hari.

"Di Kelantan, ikan keli ialah antara menu yang menjadi kegemaran orang ramai dan di-komercialkan secara meluas di restoran-restoran.

"Kos makanan ikan yang diperlukan ialah sebanyak RM80 bagi 20 kilogram palet pada setiap bulan.

"Setakat ini, ikan-ikan dijual



Ikan keli hasil ternakan Firdaus.

di pasaran tempatan dan saya optimis untuk meluaskan lokasi pemasaran sehingga ke luar negeri Kelantan pada masa akan datang," katanya.

Muhammad Firdaus juga menyarankan penambahan 10 kolam ikan buatanya itu untuk menambah lebih 10,000 lagi anak ikan dalam masa terdekat selain akan mengikuti kursus pembenihan ikan-ikan untuk

mengembangkan perniagaan. "Dalam tempoh tiga tahun lagi, saya mahu membeli sebuah lori tiga tan bagi memudahkan urusan penghantaran ikan-ikan kepada pelanggan.

"Buat masa sekarang saya hanya menggunakan kereta untuk tujuan itu dan mahu mengumpul lebih ramai pelanggan baharu melalui promosi di media sosial seperti *TikTok*," katanya.



Anak-anak ikan diberi makan sebanyak dua kali setiap hari.

Jabatan Perikanan tingkatkan pengeluaran tampung permintaan penternak

Cuaca tidak menentu jejas benih patin

Oleh **ABDUL RASHID ABDUL RAHMAN**

TEMERLOH - Keadaan cuaca yang tidak menentu termasuk fenomena El-Nino dikenal pasti antara punca berlaku kekurangan benih ikan patin.

Ketua Pengarah Perikanan, Datuk Adnan Hussain berkata, pihaknya memandang serius isu itu dan akan mengambil tindakan dengan meningkatkan pengeluaran benih ikan patin.

"Justeru hatchery (tempat penetasan) di Pusat Pengembangan Akuakultur (PPA) antaranya di PPA Perlok, PPA Bukit Tinggi, PPA Tapah dan Institut Penyelidikan Perikanan Glami-Lemi sedaya upaya memenuhi permintaan bekalan benih daripada penternak di seluruh negara.

"PPA Perlok, PPA Bukit Tinggi, PPA Tapah sedang meningkatkan pengeluaran benih ikan patin sebanyak 600,000 ekor bersaiz satu ke dua inci tahun ini," kata-

nya dalam kenyataan semalam.

Menurutnya, PPA turut menawarkan bantuan benih secara percuma kepada penternak dan akan memberi keutamaan mengeluarkan benih patin untuk memenuhi permintaan tahun ini.

Pihaknya turut menggalakkan penyertaan nurseri swasta untuk meningkatkan pengeluaran benih menggunakan teknologi 'bioflok' yang dijangka dapat mengeluarkan benih lebih tahan lasak dan menjimatkan kos.

Sebanyak 4.06 juta benih patin dikeluarkan di Pahang setiap tahun di sembilan tempat penetasan. Dianggarkan 57 juta ekor benih ikan patin dikeluarkan yang ditampung 23 tempat penetasan di seluruh negara.

"Kerajaan menyasarkan 480,000 tan metrik pengeluaran akuakultur seluruh negara bagi 2023 yang mana 125,557.22 tan metrik adalah pengeluaran ikan air tawar seperti tilapia, patin dan keli," katanya.



SEORANG penternak menangkap ikan patin di sangkarnya di Sungai Pahang, Temerloh.

"Penternak dinasihatkan ambil benih bersaiz besar bagi mengurangkan tempoh ternakan dan risiko kematian," ujarnya.

Kosmo! pada Jumaat lalu melaporkan bekalan ikan patin

sangkar di daerah Jerantut dan Temerloh bukan sahaja semakin kritikal malah dijangka hanya mampu bertahan dalam tempoh beberapa bulan lagi ekoran kekurangan benih ikan.



KERATAN Kosmo! 26 Mei 2023.

Durian Premium Kampung Damak saingan musang king

JERANTUT - Durian Premium Kampung (DPK) Damak terus mendapat permintaan tinggi dalam kalangan penggemar raja buah sekali gus bakal mendominasi pasaran durian di Pahang pada musim ini yang dijangka gugur awal bulan depan.

Klon tempatan DPK seperti mas hijau, kulit buaya, naga emas, aji aziz dan beberapa hasil lain tanaman pekebun di Lembah Durian Kampung Damak mampu bersaing dengan musang king dari segi tekstur isi, aroma, rasa dan harga buah berkenaan.

Perah durian Kampung Damak, Zulkifly Mahmud, 57, berkata, durian klon dan premium yang berbuah lebat musim ini seperti damak king, naga merah, mas hijau, musang king dan duri hitam yang dijangka gugur pada awal Jun ini akan memenuhi gerai-gerai jualan sekitar Damak.

"Musang king di sini yang gugur hujung bulan ini masih dijual pada harga RM68 sekilogram walaupun ada ura-ura mengatakan berlakunya penurunan harga di tempat lain.

"Setiap musim, musang king bersaing dengan DPK, tetapi mengikut rekod jualan sebelum ini DPK tidak kurang hebatnya kerana mendapat permintaan tinggi. Setakat ini ia sudah ditempah penggemar durian," katanya ketika ditemui di Kam-



ZULKIFLY menunjukkan durian premium kampung jenis aji aziz yang mendapat permintaan tinggi daripada penggemar raja buah.

pung Damak semalam.

Zulkifly berkata, musim ini damak king, naga merah dan mas hijau mengeluarkan hasil yang lebat dan harganya setanding musang king. Harga damak king ialah RM55, manakala naga merah dan mas hijau serendah RM35 bergantung kepada permintaan.

Sementara itu, peniaga durian, Ahmad Mustapha, 45, pula memberitahu, damak king dan duri hitam menjadi pilihan penggemar raja buah.

"Ia mampu menembusi pasa-

ran negara lain jika hasil pengeluarannya banyak dan berkualiti.

"Ini kerana isi damak king lebih sedap dan aromanya mengujakan menjadi antara faktor ia berjaya menambat hati pelanggan sehingga mengatasi jualan musang king dan DPK jenis lain.

"Sehingga kini saya juga membuka tapak semeian dengan mengusahakan cantuman tunas klon damak king, mas hijau dan black thorn memandangkan pasaran cukup memberangsangkan akan datang," ujarnya.

29/5/2023

HARAKAH

PARLIMEN

H8

Pemilik kapal kaya 'kenyang' guna diesel subsidi

Oleh **SRIHAYANIS ABASRI**

KUALA LUMPUR: Kerajaan perlu memandang serius terhadap isu penggunaan minyak diesel subsidi yang disalahgunakan oleh pihak tidak bertanggungjawab.

Dato' Syed Abu Hussin Hafiz Syed Abdul Fasal (PN-Bukit Gantang), membangkitkan isu ini yang turut banyak dilaporkan oleh media massa.

"Apakah kerajaan sedar, banyak kali media mendedahkan isu ketirisan dan apakah kerajaan

sedar di mana berlaku ketirisan, struktur yang ada subsidi minyak diberikan kepada bot kategori C2 sahaja dan bukan kepada kapal kategori C, padahal kedua-dua jenis kapal menangkap (hasil laut) di laut yang sama.

"Ini menyebabkan kapal kategori C2 membeli minyak subsidi dari kapal kategori C. Kapal kategori C menjual minyak subsidi tanpa pergi ke laut," katanya ketika mengemukakan soalan tambahan pada sesi pertanyaan bagi jawab lisan di Dewan Rakyat, pada Rabu.

Beliau yang juga mantan Pengerusi Lembaga Kemajuan Ikan Malaysia (LKIM) berkata, kerajaan perlu mengambil langkah bagi mengatasi isu ketirisan diesel subsidi agar dapat dirasionalisasikan.

"Jadi apakah langkah-langkah yang patut kerajaan ambil? Dalam kerajaan Madani, T20 adalah orang yang tidak layak menerima subsidi. Tuan punya kapal kategori C dan C2 bukan nelayan, mereka adalah tuan punya kapal yang bernilai antara RM3 juta hingga RM5 juta.

"Kapal ini, hasil tangkapannya mencecah RM300,000 sebulan. Jadi tuan punya kapal tidak layak menerima subsidi," katanya.

Pandangannya disokong Lee Chean Chung



Dato' Syed Abu Hussin Hafiz Syed Abdul Fasal

(PH-Petaling Jaya) yang bersetuju bahawa kerajaan perlu memandang serius terhadap isu ini.

Timbalan Menteri Pertanian dan Keterjaminan Makanan, Chan Foong Hin, ketika mengulas berkata, jika terdapat ketirisan diesel subsidi, perlu dilaporkan kepada kementerian.

"Kalau ada kes Yang Berhormat dapat tahu ada pemilik kapal kategori C2 beli diesel subsidi, sila lapor kepada kementerian," katanya.

29/5/2023

BERITA NASIONAL
HARIAN

18

7 bot, premis kumpul hasil laut terbakar

muanya tidak lagi dapat digunakan.

Seorang mangsa, Hafiz Ariffin, 37, berkata insiden berlaku kira-kira jam 6 pagi itu turut memusnahkan bangsal menyimpan pelbagai peralatan menangkap ikan miliknya dengan nilai kerugian keseluruhan dianggarkan mencecah RM200,000.

Nelayan sepenuh masa itu berkata, pada hari kejadian dia bersama seorang awak-awak pulang dari laut kira-kira jam 2.30 pagi dan selepas menjual hasil tangkapan mereka kembali ke rumah untuk berehat sebelum dikejutkan berita kebakaran itu.

"Saya selalunya keluar jam 4 petang dan balik tengah malam atau keesokan harinya. Sekarang musim angin barat, jadi ikan memang banyak, termasuk ikan gred A seperti kerapu dan jenahak. Selain memukat saya me-

10 nelayan, peraih hilang mata pencarian selepas peralatan musnah

Oleh Siti Aminah Mohd Yusof
bhnews@bh.com.my

Balik Pulau: Sekurang-kurangnya 10 nelayan termasuk awak-awak hilang mata pencarian selepas tujuh bot selain sebuah premis mengumpul hasil laut di Jeti Sungai Burung berdekatan Pantai Malindo, di sini musnah dalam kebakaran Jumat lalu.

Empat daripada bot itu hangus 100 peratus, manakala tiga lagi terbakar 50 peratus sehingga se-



Muhammad Faiz menunjukkan bot dan jeti yang musnah dalam kebakaran di Jeti Kuala Sungai Burung. (Foto Damial Sapul/BH)

mancing, juga.

"Ketika sampai di jeti kira-kira jam 6.15 pagi api sudah marak. Saya cuba simbah air, namun api semakin besar dan tidak dapat berbuat apa-apa kecuali sekadar melihat bot dan bangsal hangus di depan mata," katanya.

Baru tukar enjin

Bapa kepada lima anak berusia tiga hingga 12 tahun itu berkata, kebakaran turut memusnahkan mesin digunakan untuk mem-bantu menarik pukat, selain sistem Penentu Kedudukan Global (GPS) dan alat pengesan sonar. "Lebih menyedihkan saya baru tukar enjin baharu 150 kuasa kuda yang dibeli secara tunai de-

ngan harga RM56,000 pada Disember lalu untuk menggantikan enjin lama yang sudah digunakan lebih lima tahun.

"Saya ibarat hilang punca kerana duit simpanan sudah banyak habis. Lagipun jika nak tempah bot baharu ambil masa paling cepat tiga bulan dan enjin pula perlu dibeli asing dengan harganya juga semakin mahal," katanya.

Peraih ikan, Shafinaz Rozi, 38, menyifatkan musibah menimpa agak berat untuk ditanggung dengan suaminya turut menghadapi penyakit buah pinggang dan perlu menjalani dialisis tiga kali seminggu.

"Ketika dapat tahu kejadian itu

saya sedang memandu untuk bawa suami ke pusat dialisis, sebelum kami segera berpatah balik. Rasa lemah lutut tengok tiada apa-apa yang sempat diselamatkan.

"Kami buntu memikirkan macam mana nak 'bangkit' semula dengan perlu bayar ansuran kereta, sewa rumah selain pinjaman TEKUN (Tabung Ekonomi Kumpulan Usaha Niaga)," katanya.

Sementara itu, Pengerusi Lembaga Kemajuan Ikan Malaysia (LKIM), Muhammad Faiz Fadzil, berkata pihaknya sudah melawat jeti berkenaan lewat petang kelmarin dan akan meneliti ban-tuan yang boleh disalurkan kepada individu terbahagi.

TARIKH	MEDIA	RUANGAN	MUKA SURAT
29/5/2023	UTUSAN MALAYSIA	DALAM NEGERI	14

Pulau Meranti: Warga Bangladesh dulu buruh, sekarang tauke

Oleh FAHMI FAIZ
utusannews@mediamulla.com.my

PETALING JAYA: Warga Bangladesh di negara ini dipercayai mendapat bantuan modal pinjaman berniaga daripada bank-bank di Dhaka bagi membolehkan mereka membangunkan pelbagai perusahaan di Malaysia, lazimnya 'ekonomi hitam' yang tiada jejak wang dan tidak dicukai.

Utusan Malaysia yang membuat tinjauan dan siasatan di kebun sayur haram dibangunkan warga asing di Pulau Meranti, Puchong semalam bertemu seorang warga Bangladesh bernama Mohin, 28 yang mengusahakan sebuah kedai runcit di sekitar kawasan kebun itu.

Mohin berkata, dia mula berhijrah ke negara ini sejak 2018 dan digajikan oleh sebuah syarikat beralamat di Selangor. Pada waktu itu, dia bekerja sebagai buruh di tapak pembinaan.

"Pada Ogos 2022, kontrak kerja saya tamat kerana projek pembinaan syarikat saya waktu itu sudah selesai. Projek itu di Sepang. Jadi, saya pulang semula ke kampung halaman di Cumilla, Bangladesh," katanya.

ABANG BUKA KEDAI RUNCIT DI PUTRAJAYA

Mohin bagaimanapun cuma sempat meluangkan empat bulan saja di kampung halaman sebelum abangnya mengesyorkan dia datang semula ke Malaysia untuk membuka kedai runcit.

Abangnya sudah lama menetap di Malaysia dan pernah mengusahakan kedai runcit di Putrajaya melalui modal diberikan oleh bank di Dhaka berjumlah RM25,000.

Namun, bisnes abangnya merudum sehingga terpaksa menutup kedai runcit itu, tapi sempat menghulurkan Mohin sejumlah modal untuk berniaga.

"Abang saya pinjam RM25,000 dari bank di Dhaka untuk berniaga di Malaysia. Dia perlu bayar pinjaman RM800 sebulan selama tiga tahun. Tapi bisnes dia gagal dan terpaksa tutup kedai runcit di Putrajaya. Mujur dia ada menyimpan wang dan menghulurkan saya modal berniaga," katanya.



PENCEROBOHAN di atas tanah haram Pulau Meranti di Cyberjaya oleh warga asing dengan mengusahakan tanaman sayur-sayuran.
- UTUSAN/SHIDDIEQIIN ZON

Jelas Mohin, berbekalkan tolong modal diberikan abangnya serta 'lampu hijau' oleh agensi pekerja asing yang memberikan izin berniaga, dia kemudian mundar-mandir mencari tapak kedai runcit yang sesuai sebelum menghidu 'potensi' di kawasan kebun dan rumah kongsi haram dibanjiri warga asing di Pulau Meranti, Puchong bersebelahan kilang bas.

DULU BURUH SEKARANG TAUKE

Mohin turut berterima kasih kepada agensi pekerja asing

yang menguruskan permit kerjanya yang turut membantu operasi seharian kedai runcitnya.

Katanya, agensi tersebut yang beralamat di Kajang memberikan bantuan perniagaan dalam bentuk barangan di kedai runcit termasuk dua buah tungku besi kaki tiga untuk memasak, rak barangan runcit serta sebuah peti sejuk.

"Syarikat menggalakkan saya berniaga sebab sekarang ini mereka masih belum ada projek untuk gajikan saya. Saya guna permit mereka sepanjang ber-

niaga di sini," katanya.

Akhbar ini melihat dan menyemak permit kerja yang ditunjukkan oleh Mohin iaitu *Single Entry Visa*, Pas Lawatan Kerja Sementara (*Visit Pass - Temporary Employment, Regulation 11/10*), diisu pada 21 Jun 2022 oleh Bahagian Pekerja Asing Putrajaya.

Dalam pas tersebut dinyatakan bahawa pas itu hanya untuk kegunaan sebagai pekerja pembinaan dan pemegang pas tidak dibenarkan bekerja sebagai juruwang mahupun jurujual.

Ini menimbulkan persoalan tentang kesalahan Mohin apabila permit kerjanya cuma membenarkan bekerja dalam sektor pembinaan, tapi jelas warga Bangladesh itu, yang lima tahun dahulu menjejak kaki ke Malaysia sebagai buruh, kini menjadi tauke kedai runcit dengan pasaran yang cukup luas kepada warga asing sekitar kebun haram Pulau Meranti tanpa perlu bayar sesen pun cukai kepada kerajaan.

Mohin bagaimanapun berkata, agensi yang menguruskan permit kerjanya sudah bersetuju untuk merekrut Mohin bekerja di sebuah tapak projek baru di Kota Warisan bermula penghujung Julai ini.

Katanya, dia juga sudah men-

cadangkan kepada majikan supaya melaburkan modal untuk membangunkan kantin dan kedai-runcit di tapak binaan Kota Warisan tersebut memandangkan pasaran warga asing yang cukup ramai bekerja sebagai pekerja sektor binaan di sana.

"Majikan saya akan mengeluarkan modal untuk kantin dan kedai runcit sementara saya pula akan menguruskan operasinya. Di tapak projek itu nanti pasti ada ribuan warga asing terutama Bangladesh yang kerja pembinaan.

"Mereka perlu makan dan minum, orang tempatan pasti tidak tahu selera orang Bangladesh. Jadi, saya beritahu bos, sayalah orang paling layak menguruskan kantin dan kedai runcit itu sebab saya cukup faham dengan selera warga Bangladesh, apa yang mereka suka atau tidak dan apa barangan yang laku untuk diniagakan," katanya.

"Sama ada saya jual barang-barang di kedai runcit Pulau Meranti kepada warga Bangladesh lain, atau saya tutup saja kedai ini dan bawa semua barang perniagaan ini ke lokasi baru di kota Warisan nanti," katanya sambil tangan sibuk menjawab panggilan telefon berpusu-pusu dari pembekal barang basah.



KAWASAN yang didakwa sebagai penempatan warga asing di atas tanah haram Pulau Meranti.
- UTUSAN/SHIDDIEQIIN ZON